

夜

航

船

夜航船卷之三

劍南陶菴老人紬

人物部

帝王 后妃太子公主

天皇始稱皇伏羲始稱帝夏商周始稱王神農母安登  
感天而生始稱天子文王稱始世子秦始皇始尊父  
莊襄王為太上皇周制稱王妃為王后秦稱皇帝遂  
稱皇后漢武帝始尊祖母竇為太皇太后稱魏諸王  
母為太妃晉元帝始稱生母皇太妃

當宁 禮記天子當宁而立諸公東面諸侯西面曰朝  
宁門屏間

皇帝 古或稱皇或稱帝秦始皇自謂德過三王功高  
五帝乃更號曰皇帝命曰制詔令曰詔自稱曰朕古  
者稱朕上下共之各錄與帝言稱朕屈原曰朕皇考  
至秦獨以為尊

山呼 漢武帝登嵩山帝與左右吏卒咸聞呼萬歲者  
三後人襲之遂名山呼

大寶 聖人之大寶曰位何以守位曰仁

神器 天下者神明之器也王命論曰神器有命不可  
以智力求

龍飛 新主登極曰龍飛取易經飛龍在天利見大人  
蓋乾九五為君位故云華林集位以龍飛文以虎變

虎拜 羣臣覲君曰虎拜詩經虎拜稽首天子萬壽謂  
召穆公虎既拜受王命之辭而祝天子以萬壽也  
如絲如綸 禮記王言如絲其出如綸注綸綬也言王  
言始出之小如絲羣臣舉之若綬之大故皇帝之言  
謂之綸音皇后之命又曰懿旨懿美也

元首 書經元首明哉股肱良哉言君乃臣之元首臣  
乃君之股肱君明則臣自良

麟趾龍種 詩經麟之趾振振公子唐詩元帥歸龍種  
俱譽宗藩也

玉牒 帝冑之譜名玉牒韓文明德鏤白玉之牒又宗  
人府曰玉牒所

邦貞國貳 禮記一人元良萬邦之貞太子之謂也高  
允曰太子國之儲貳

日重光 崔豹古今注漢明帝為太子時樂人歌詩四  
章以贊美之其一日重光其二月重輪其三星重輝  
其四海重潤

逍遙晚歲 唐書高祖謂裴寂曰公為宗臣我為太上  
皇逍遙晚歲不亦善乎

女中堯舜 高瓊贊宋宣仁太后曰篤生聖后女中堯  
舜

儀賓 漢制皇女皆封縣公主諸王女皆封鄉亭公主  
承王女宗女者封儀賓封郡馬

官家 李侍讀仲容侍真宗飲命飲巨觥仲容曰告官家免巨觥上問卿之稱朕何謂官家對曰五帝官天下三王家天下兼三五之德故稱官家

縣官

霍光傳稱天子為縣官

華祝

堯觀於華華封人曰嘻請祝聖人多富多壽多

男子

陛下

陛階也天子必有近臣執兵器陳於陛以戒不

虞謂之陛下者羣臣與天子言不敢指斥天子故呼

在陛下者而告之因卑達尊之義也上書亦如之

東錄握符

東都賦曰聖王握乾符闡坤珍披皇圖稽

帝史文乾符亦伏符籙也坤珍洛書也皇圖圖讖也

帝文天文也

行在蔡邕邕 蔡邕獨斷謂天子以天下為家車輿所至之處皆曰行在謂行幸之所在也

天潢 曹固表王孫公子疏派天潢宜親宗室強幹弱枝

警蹕 唐太宗即位數馳射孫伏伽諫曰天子禁衛九重出也警入也蹕警戒肅也蹕清道也

璇宮椒房 帝少昊母星娥處於璇宮以椒塗壁取其溫和以辟惡氣一曰取椒實繁衍之義

黃帝立四妃夏增三三為九嬪殷增三九為二十七世婦周增九九為八十一御妻魏明帝置淑妃宋武帝

置貴妃隋煬帝置德妃唐置賢妃漢武帝置婕妤好漢元帝置昭儀漢光武置貴人晉武帝置才人

前星 晉天文志心三星天王正位也中星曰明堂天子位前星為太子後星為庶子

少海 山海經元臯之上南望幼海註幼海即少海也天子比大海太子比少海

青宮 東明山有宮青石為牆門有銀榜以青石碧縷題曰天地長男之宮故太子名青宮又曰東宮

公主 天子嫁女不親主婚命同姓諸侯主之故稱公主若諸侯則自主之故稱翁主娶公主者曰尚娶翁主者曰承 周始稱公主漢始稱姊妹長公主武帝



始稱姑太長公主唐憲宗始稱王女縣主睿主宗始封女代國秦以後始稱尚主舅姑下於婦王珪始制坐受婦禮魏始拜尚主者駙馬都尉本漢武帝置掌御馬

女官 周始制女史佐內治漢制女官十四等數百人唐設六局二十四司官九十人女史五十餘人

宗室 周公始置中士奠世系唐玄宗始詔李衢林寶謨王牒百十卷宋真宗始崇皇屬籍 周始建宗盟

選宗中之長為正唐宗室始暮親加皇屬外任不著姓宋神宗始換授始外官加姓始詔宗室應舉

五行迭王 太昊配木以木德王天下色尚青炎帝配

火以火德王天下色尚赤黃帝配土以土德王天下色尚土黃少昊配金以金德王天下色尚白顓頊配水以水德王天下色尚黑

建元 古者只有紀年未有年號漢武帝建元元年後王年蓋號蓋始於此帝王改元亦未曾有秦惠文十四年更為元年是為改元之始

黃帝始制國號加有字漢加大字漢文帝始制年號用一字武帝始用二字

國祚 五帝伏羲一百一十五年神農一百四十年傳七世共三百七十五年黃帝一百年少昊八十四年顓頊七十八年帝嚳七十年帝摯九年帝堯七十二

年帝舜六十一年。三王夏禹十七世共四百五十八年商湯二十八世共六百四十四年周三十七世共八百七十三年。秦三世共三十九年。西漢十一世共二百三十一年東漢十四世共一百九十六年蜀漢二<sup>世</sup>共四十四年。晉四世共五十二年東晉十一世共一百五年。前五代共一百六十九年。唐二十世共二<sup>百</sup>九十年。後五代共五十六年。北宋九世共一百六十八年南宋九世共一百五十五年。元十世共八十九年。

皇明國祚

洪武三十一年建文四年永樂二十二年

洪熙一年宣德十年正統十四年景泰八年天順八

年成化二十二年弘治十八年正德十六年嘉靖四十五年隆慶六年萬曆四十八年天啟七年崇禎十七年共二百八十二年。歷朝御諱太祖元璋惠宗允炆成祖棣仁宗高熾宣宗瞻基英宗祁鎮景帝祁鈺憲宗見濟孝宗佑橒武宗厚熜世宗厚聰穆宗載堯神宗翊鈞光宗常洛愍宗由校思宗由檢

前五代 南朝宋劉裕八世歷六十年齊蕭道成七世歷二十三年梁蕭衍四世歷五十七年後梁蕭譽昭

明太子之子三世歷三十三年隋楊堅四世歷三十

九年。北朝元魏拓跋珪十二世歷一百四十九年西魏拓跋修四世歷二十四年東魏拓跋善見一世

歷十七年北齊高洋魏丞相高歡之子五世歷二十

九年後周宇文覺魏冢宰宇文泰之子五世歷二十

六年

後五代 梁朱溫二世歷十七年後唐李存勖本姓朱

邪氏沙陀人先世事唐賜姓李四世歷十四年後晉

石敬瑭二世歷十一年後漢劉暉初名知遠三世歷

四年北漢劉崇高祖之弟四世歷三十年後周郭威

邢州人傳內姪柴榮三世歷十年

五胡亂華 漢劉淵匈奴也後趙石勒武鄉羯人也後

秦姚弋仲赤亭羌人也前秦苻洪氐人也後燕慕容

垂鮮卑人也總曰五胡亂華

蜀漢之繼東漢非特名義而已寔炎祚之正統也按異苑記蜀有火井漢室之盛則赫熾桓靈之際火勢漸微孔明一窺而復盛至景曜元年人以燭投之而滅其年蜀併於魏是亦一徵也

年號 西漢武帝建元 元光 元朔 元狩 元鼎

大初 征和 後元 昭帝始元 元鳳 元平 宣帝

本始 地節 元康 神爵 五鳳 甘露 黃龍

元帝初元 永光 建昭 竟寧 成帝建始 河平

陽朔 鴻嘉 永始 元延 綏和 哀帝建平 元

壽平帝元始孺子嬰居攝 初始。東漢光武建武

中元明帝永平章帝建初 元和 章和 和帝永元

元興 殤帝 延平 安帝 永初 元初 永寧 建元

延光 順帝 永建 陽嘉 永和 漢安 建康 冲帝

永嘉 質帝 本初 桓帝 建和 和平 元嘉 永興

永壽 延熹 永康 靈帝 建寧 熹平 光和 中

平 獻帝 初平 興平 建安 ○ 後漢 昭烈帝 章武 後

帝 建興 延熙 景曜 炎興

西晉 武帝 泰始 咸寧 泰康 惠帝 永熙 元康

永康 永寧 大安 永興 光熙 懷帝 永嘉 愍帝

建興 ○ 東晉 元帝 建武 大興 永昌 明帝 太寧 成

帝 咸和 咸康 康帝 建元 穆帝 永和 升平 哀帝 隆

和 興康 帝 奕太 和 簡文帝 咸安 孝武帝 寧康 太

元安帝隆安 元興 義熙 恭帝元熙

南北朝宋武帝永初少帝景平文帝元嘉孝武帝孝建

大明廢帝景和明帝泰始 泰豫 蒼梧王元徽順帝

昇明。齊高帝建元武帝永明明帝建武東昏侯中

興。梁武帝天監 普通 大通 中大通 大同

中大同 太清簡文帝大寶元帝承聖敬帝紹泰

太平。陳武帝永定文帝天嘉 天康臨海王光大

宣帝大建 後主至德 禎明。隋文帝開皇 仁

壽煬帝大業恭帝義寧

唐高祖武德太宗貞觀高宗永徽 顯慶 龍朔

麟德 乾封 總章咸亨 上元 儀鳳 調



露 永隆 開曜 永淳 弘道 中宗 嗣聖 神龍

景隆 睿宗 景雲 太極 玄宗 開元 天寶 肅宗 至德

乾元 上元 寶應 代宗 廣德 永泰 大曆 德宗

建中 興元 順宗 永貞 憲宗 元和 穆宗 長慶 敬宗 寶

曆 文宗 太和 開成 武宗 會昌 宣宗 太中 懿宗 咸通

僖宗 乾符 廣明 中和 光啟 文德 昭宗 龍紀

大順 景福 乾寧 光化 天復 天祐 昭宣帝

天祐

後五代 梁太祖 開平 乾化 均王 貞明 龍德 唐

莊宗 同光 明宗 天成 長興 閔帝 應順 潞王 清泰 〇

晉高祖 天福 齊王 開運 〇 漢高祖 乾祐 隱帝 乾祐 〇

周太祖廣順世宗顯德恭帝顯德

宋太祖乾德開寶太宗太平興國雍熙端

拱淳化至道真宗咸平景德大中祥符

天禧乾興仁宗天聖明道景祐寶元康

定廢曆英宗治平神宗熙寧哲宗元祐紹聖

元符徽宗建中靖國崇寧大觀政和重

和宣和欽宗靖康。南宋高宗建炎紹興孝宗

隆興乾道淳熙光宗紹熙寧宗廢元嘉泰

開熙嘉定理宗寶慶紹定端平嘉熙淳

祐開慶景度宗咸淳恭宗德祐端宗景炎帝

昺祥興

元世祖至元成宗元貞大德武宗至大仁宗皇慶

延祐英宗至治泰定帝泰定致和明宗天曆文宗

天曆至順順帝元統至元至正

陵寢盤古青縣女媧閼鄉伏羲陳州神農曲阜黃帝

中都少昊曲阜顓頊高陽帝嚳滑縣高陽氏東昌華

胥氏藍田帝堯東平帝舜永州大禹會稽夏太康太

康成湯偃師太甲濟南殷中宗內黃商高宗西華周

文武成康咸陽威烈王河南昭王少室秦始皇驪山

漢高祖長陵咸陽文帝西安武帝興平景帝咸陽宣

帝長安光武原陵孟津明帝洛陽昭烈成都隋文武

功晉元帝江寧晉十一帝陵上元吳大帝鍾山吳景

帝 太平 齊高武明 丹陽 梁武簡文 丹陽 陳文帝武功

陳高祖 高要 隋煬帝 揚州 唐高祖 三原 太宗 九峻山

憲宗 滿城 宣宗 景陽 中宗 傳師 西魏武帝 富平 石勒

順德 宋太祖 昌陵 太宗 熙陵 真宗 定陵 仁宗 昭陵俱

鞏縣 南宋高孝光寧理度會稽 宋三陵 欽陵慶陵安

陵保元 宋瑞宗 屋山 徽宗 五國城 遼太祖 寧遠衛

明洪武皇帝 孝陵江寧 永樂 長陵 洪熙 獻陵 宣德 景

陵 正統 裕陵 成化 茂陵 弘治 泰陵 正德 康陵 嘉靖 永

陵 隆慶 昭陵 萬曆 慶陵 泰昌 定陵 天啟 德陵 崇禎 思

陵俱順天 天壽山 建文君 自滇還迎入南內號老號

佛卒葬西山碑曰天下大師之墓

# 儀制

黃屋左纛 黃屋黃蓋也左纛以犂牛尾為旗纛列之左也

羽葆 聚五采羽為幢建於車上天子之儀衛也

九旂 畫日月曰常畫蛟龍曰旂通帛曰旃襍帛曰物畫熊虎曰旗畫鳥隼曰旟畫龜龍曰旐金羽曰旂析羽曰旌

鹵簿 車駕出行羽儀導護謂之鹵簿鹵大盾也所以捍蔽部位之次皆著之於簿五兵盾在外餘兵在內以大盾領一部之人故名鹵簿

髦頭 武祖問髦頭之義彭權對曰秦紀云國有奇怪

觸山截水無不崩潰惟畏髦頭故使武士服之衛至尊也

傳國璽 秦始皇以卞和玉制傳國璽命李斯篆文其文曰受命於天既壽永昌相傳卞和玉制為三印一傳國璽一天師印一茅山道士印

十二章 日月星辰山龍華虫六者繪之於衣宗彝藻火粉米黼黻繡之於裳所謂十二章也華虫雖也宗彝虎雖藻水草黼若斧形取其斷也黻為兩已相背取其辨也

皇后六服 褱衣 褱音揮色玄刻繪為輦從王祭先王之服輦亦音揮 揄狄 揄音遙色青刻繪為揄從王祭

先公之服闕狄色黑刻繪為翟從王祭羣小祀之服

鞠衣色黃告桑之服展衣色白以禮見王及賓客之

服祿衣色黑進御見王之服

九門 天子一闕門二遠郊門三近郊門四城門五阜門六庫門七雉門八應門九路門

丹墀 西京賦曰右平左城青瑣丹墀注天子赤墀列為九級中分左右有齒介之右則平之令輦得上階也

尺一 天子詔曰尺一漢制簡一尺一寸中行說教匈奴以尺二簡報漢

金根車 天子所乘之車曰金根駕六馬有五色安車

有五色立車各一皆駕四馬是為五時副車

鶴禁 太子所居之宮白鶴守之凡人不得輒入故曰

鶴禁

九府圜法 圜法即錢法也天子九府曰泉府天府王

府內府外府天府職內職金職幣皆掌錢帛之府也

五庫 天子五庫曰車庫兵庫祭器庫樂器庫宴器庫

黼衣 天子坐則黼衣列在後如背負之也黼衣形如

屏風畫斧而無柄設而不用取金斧斷割之義

象魏 宮門雙闕懸法象其狀巍然高大曰象魏

列土分茅 天子大社以五色土為壇封諸侯各以其

色與之幬以黃土黃取王者覆被四方之義苴以白



茅 白茅取其潔也 歸而立社謂之列土分茅

楓宸 漢宮殿前多植楓樹故曰楓宸一名紫宸

不愚 音環愚 註不愚伏思也君退至內廷思維機務故

曰不愚

金馬 漢武帝得大宛馬以銅鑄其像立於署門名金

馬門楊雄傳歷金馬上玉堂金翰林官稱玉堂金馬

黃牛白腹 公孫述廢銅錢置鐵錢蜀中童謠曰黃牛

白腹五銖當復言王莽稱黃述自號白五銖漢錢也

言天下當復還劉氏

兩觀 古者帝王每門樹兩觀於其前所以標表宮門  
也其上可居登之可以觀遠故謂之觀

瓊林大盈 唐德宗起瓊林大盈等庫以儲私錢陸贄  
諫不聽後朱泚之亂罄於兵火

澤宮 天子習射之地澤取擇賢之義也

水晶宮 大秦國中有五宮殿皆以水晶為柱故名水  
晶宮

橋門 漢明帝遊辟雍冠帶縉紳之人環橋門而觀者  
以億萬計

虎闌 晉武帝臨辟雍立國子監以育士庶名之曰虎  
闌又名虎觀

石渠 漢施雠甘露中拜博士與五經諸儒論異同於  
石渠閣

鳳詔 後趙石季龍置戲馬觀觀上安詔書用五色紙  
銜於木鳳口而頒行之鳳五色漆畫喙脚皆用金  
紫泥 隋州武都紫水有泥其色紫而黏貢之用封璽  
書故詔誥曰紫泥封

黃麻 勅書舊用白紙唐高宗以白紙多蠹改用黃麻  
拜除將相其制書皆用黃麻黃麻者以黃檟藥染紙  
取其辟蠹也

內官 成周始為寺人秦始皇初立中車府置令魏文  
帝置殿中制監隋置內侍省始以監為太監加少監  
監正秦六局置尚衣尚冠等官

儀仗 神農始為儀仗秦漢始為導護五代始為宮中

導從黃帝制鉞秦始皇改為鍠

即斧

晉武帝制幹鎗

元帝加儀刀儀鍠斑劍

黃帝制麾制曲蓋呂尚制

華蓋黃帝始警蹕周制鳴鞭黃帝制旗天子出大牙

建於前周制樹旗表門陶穀始始備獄漬日星龍象

大神諸旗

堯始制車駕周改鸞駕

晉文公制左

右虞侯掖駕漢武帝攸飛駕前周公始制屬車懸豹

尾唐始加豹尾於鹵簿

周公置記里鼓車隋文帝

制行漏車秦始皇兼車服始飾器為金根車上施華

蓋相風鳥制辟惡車前導更定大駕法駕周制步輦

以人組挽秦始皇去其輪為輿以人荷漢制後宮羊

車以人牽宋制檐子以竿牽漢制皇屋宋制梭欄屋

即逍遙車 漢武帝制十二障扇唐玄宗制上殿索  
扇闔則先奏以宦官升陞執扇  
戒不虞 漢官儀屬車八十一乘作三行尚書御史乘  
之最後一乘懸豹尾于竿豹尾過後執金吾方罷屯  
解圍所以戒不虞也

名臣

六佐 伏羲六佐金提主化俗鳥鳴主建福視嘿主災  
惡紀通主中職仲起主陵陸陽侯主江海

六相 軒轅六相風后力牧太山稽常先大鴻得六相  
而天下治

八元 元善也 高辛氏有才子八人伯奮仲堪叔獻季仲  
伯虎仲熊叔豹季狸天子謂之八元

八愷 愷和也 高陽氏有才子八人蒼舒隤鼓 音皐 檮 音

桐戴音演 大臨龐降庭堅仲容叔達天下謂之八愷

四凶 帝鴻氏有不才子曰渾沌 即驩兜 少昊氏有不

才子曰窮奇 即共工 顓頊氏有不才子曰檮杌 即鯀

縉雲氏有不才子曰饕餮即三苗謂之四凶

五臣 舜有臣五人禹稷契皋陶伯益

九官 舜命九官禹契稷伯益皋陶夔龍垂伯夷

十亂 武王有亂臣十人太公望周公旦召公奭畢公

高閔天散宜生南公适榮公太顛邑姜

八士 周有八士伯達伯适仲突仲忽叔夜叔夏季隨

季騶

四皓 東園公姓轅名秉字宣明綺里季姓朱名暉字

文季夏黃公姓崔名廊廓字少通用里先生姓周名

述字元道隱於商山謂之商山四皓

淮陽一老 漢應曜隱於淮陽與四皓並徵曜獨不至

時人語曰商山四皓不如淮陽一老

三良 秦子車氏三子奄息仲行鍼虎秦穆公死命以  
為殉國人為賦黃鳥之詩以哀之

十八元功 漢高祖封功臣十八人蕭何為首曹參次  
之其下張敖周勃樊噲酈商奚涓夏侯嬰灌嬰傅寬  
靳歙王陵陳武王仍伋蘇歐周昌于護盪遠

麒麟閣十一人 漢宣帝以夷狄賓服思股肱之美乃  
圖畫其人於麒麟閣唯霍光不名曰大司馬大將軍  
博陸侯姓霍氏其次張安世韓增趙充國魏相丙吉  
杜延年劉德梁丘賀蕭望之蘇武

雲臺二十八將 漢光武思中興功臣乃畫二十八將



於南宮雲臺其位次以鄧禹為首次馬成吳漢王梁  
賈復陳俊耿弇杜茂寇恂傅俊岑彭堅鐔馮異王霸  
朱祐任光祭遵李忠景丹萬修蓋延邳彤姚期劉植  
耿純臧宮馬武劉隆後又益以王常李通竇融卓茂  
共三十二人馬援以椒房不與

十八學士 唐高宗祖以秦王世民功高令開府置屬  
秦王乃開館於宮西延四方文學之士杜如晦房玄  
齡虞世南褚亮姚思廉李玄道蔡允恭薛元敬顏相  
時蘇勗于志寧蘇世長薛收李守素陸德明孔穎達  
蓋文達許敬宗使庫直閻立本圖像預其選者時人  
謂之登瀛洲

凌烟閣二十四人 唐太宗圖其功臣於凌烟閣長孫  
無忌趙郡王孝恭杜如晦魏徵房玄齡高士廉尉遲  
敬德李靖蕭瑀段志玄劉弘基屈突通殷開山柴紹  
長孫順德張亮侯君集張公謹程知節虞世南劉政  
會唐儉李世勣秦叔寶共二十四人

三君

君者言一世之所宗也 竇武陳蕃劉淑為三君。

八俊

俊者言一世之英也 李膺荀昱杜密王暢劉祐

魏朗趙典朱富為八俊。八顧 顧者能以德行引人

者也 郭泰范滂尹勳巴肅宗慈夏馥蔡衍羊陟為八

顧。八及 及者言使人之所追從者也 張儉崔超岑

暉范滂劉表陳翔孔昱檀敷為八及。八尉 尉者能

以財救人者也度尚張邈劉儒胡毋班參周蕃嚮王  
章王表為八廚

八友 齊王之子開西邸延賓客范雲蕭琛任昉王融  
蕭衍謝朓沈約陸倕並以文學見稱故曰八友

潯陽三隱 周續之入廬山事遠公劉遺民遁跡匡山  
陶淵明不應詔命人稱潯陽三隱

竹林七賢 嵇康阮籍山濤向季劉伶王戎阮咸為竹  
林七賢日以酣飲為事顏延之作五君詠獨述阮步  
兵嵇中散劉參軍阮始平向尚侍而山濤王戎以貴  
顯被黜

竹溪六逸 李白少有逸才與魯中諸生孔巢父韓準

裴政張叔明陶沔隱於徂徠山終日沉飲號竹溪六逸

虎溪三笑 惠遠禪師隱廬山送客至虎溪即止一日送陶淵明陸靜修與語道合不覺過虎溪因大笑世傳三笑圖

何氏三高 梁何胤二兄求點並栖遁世謂何氏三高或乘柴車或躡草履恣心所適致醉而歸時人謂之通隱

飲中八仙 李白賀知章李適之汝陽王璿崔宗之蘇晉張旭焦遂杜甫有飲中八仙歌

荀氏八龍 荀淑潁川人有八子儉緄音魂靖肅汪爽

肅敷縣令范康曰昔康陽氏有才子八人遂署其里  
為高陽里時人號荀氏八龍

河東三鳳 薛元敬與收及族兄德音齊名世稱河東  
三鳳收為長雛德音為鸞鸞元敬年少為鵷雛

馬氏五常 馬良字季常兄弟五人並有才名時人語  
曰馬氏五常白眉最良

香山九老 白樂天胡杲吉叟鄭據劉真台盧慎張潭  
年俱七十以上狄兼謨尹廬貞未及七十白香山重  
其品亦拉入會日飲於龍門寺時人稱香山九老

洛社耆英 文潞公慕香山九老乃集洛中年德高者  
為耆英會就資聖院建大廈曰耆英堂命閩人鄭奐

畫像其中共十二人文彥博富弼席汝言王尚恭趙  
丙劉况馮行已楚建中王謹言張問張燾王拱辰獨  
司馬光年未七十潞公用香山狄兼謨故事請溫公  
入社

白蓮社 遠公與十八賢同修淨土以書招淵明答曰  
弟子嗜酒許飲即赴矣遠公許之遂造焉勉令入社  
淵明攢眉而去謝靈運求入蓮社遠公以靈運心襟  
却之

建安七才子 徐幹陳琳阮瑀應瑒劉禎曹植王粲皆  
好文章號建安七才子

蘭亭禊社 王右軍蘭亭修禊與孫綽許詢輩四十二

人大會於此是日不成詩王大令輩一十六人各罰酒三觥如金谷酒數

西園雅集十六人

蘇東坡王晉卿蔡天啟李端叔蘇

子由黃魯直晁無咎張文潛鄭靖老秦少游陳碧虛王仲至圓通大師劉巨潛李伯時畫西園雅集團而米元章書記其上

四傑 唐王勃楊炯盧照隣駱賓王皆以文章齊名天下號為四傑

鐫腳刺史 唐大鼎守滄州鄭德本守瀛洲賈孰敦頤守冀州皆有治名故河北稱為鐫腳刺史

易水三俠 燕丹送荊軻易水之上高漸離擊筑而歌

宋如意和之國策史記俱無如意名陶靖節詠荊軻詩有漸離擊悲筑宋意唱高聲與水經注俱有之

五馬 南齊柳元伯之子五人皆領五州五馬參差於庭殷文圭啟云荀家門內羅列八龍柳氏庭前參差五馬

竇氏五龍 宋竇儀字可象薊州漁陽人父禹鈞在周為諫議大夫五子曰儀儼侃僖相繼登科時人謂之竇氏五龍又曰燕山五桂

漢三傑 張良韓信蕭何

程門四先生 謝良佐游酢呂大臨楊時

四賢一不肖 范仲淹余靖尹洙歐陽修謂之四賢高



若訥謂之一不肖

睢陽五老 宋馮平與杜衍王煥章畢世長朱貫咸以  
耆德挂冠優游桑梓間暇日宴集賦詩云醉游春圃  
烟霞暖吟聽秋潭水石寒時人謂之睢陽五老

昭勲閣二十四人 宋理宗寶慶二年圖功臣神像於  
昭勲閣趙普曹彬薛居正石熙載潘美李沆王旦李  
繼隆王曾呂夷簡曹瑋韓琦曾公亮富弼司馬光韓  
忠彥呂頤浩趙鼎韓世忠張浚陳康伯史浩葛邲趙  
汝愚凡二十四人

二十四孝 大舜耕田漢文嘗藥曾參啗指閔損推車  
子路負米董永賣身刻子鹿乳江革行傭陸績懷橘

山南乳姑吳猛飽蚊王祥卧冰郭巨埋兒楊香搯虎  
壽昌尋母黔婁嘗糞老萊戲彩蔡順拾椹黃香扇枕  
姜詩躍鯉王裒泣墓丁蘭刻母孟宗泣竹庭堅滌血  
三珠樹 王勃六歲能文與兄勔勔競爽杜易簡奇之  
曰此王氏三珠樹也勃凡命草先磨墨數升引被覆  
面而卧忽起書之不加點竄人謂之腹稿

北京三傑 唐富嘉謨與吳少微魏谷倚者並負文辭  
時稱北京三傑天下文章游俚浮不競獨少微嘉謨  
本經術雅厚雄邁人爭慕之號吳體

五子科第 黃汝楫方獵犯境汝楫出財物二萬緡贖  
被掠士女千人夜夢神告曰上帝以汝活人多賜五

子科第其後子開閣閱聞閩皆登科

四豪 列國趙平原君勝齊孟嘗君田文楚春申君黃歇魏信陵君無忌稱四豪

五龍 南北朝張鏡與嚴延之鄰居延之每酣飲諠呼不呼絕而鏡寂無言聲一日與客譚延之從籬落取胡床坐聽辭言清遠心服之謂客曰彼中有人自是不復酣叫鏡兄弟五人俱名士時號五龍

河東三絕 康唐徐洪蒲州司兵參軍時司戶韋暹善判司工李登善書洪善屬辭號河東三絕

兗州八伯 羊曼祐從孫任達嗜酒與阮等八人友善時稱阮放為宏伯郝鑒為方伯胡毋輔之為達伯卞

壺為裁伯蔡謨為朗伯阮孚為誕伯劉緩為委伯而  
曼為踏伯號兗州八伯又號曰八達

五忠 劉韜崇安人其先自京兆徙閩子孫仕宋得諡  
忠者五人世號五忠劉氏以學士使金金人留之自  
縊諡忠顯長子子羽官樞密首薦吳玠吳玠可大用  
中興戰功居多子羽之力也

九牧林氏 唐林披官太子詹事子九人俱刺史號九  
牧林氏而藻蘊尤知名

八子並通籍 明許進仕至吏部尚書諡襄毅子誥南  
戶部尚書諡莊敏讚大學士諡文簡論兵部尚書其  
八子並通籍海內莫京焉

一門仕宦 宗資南陽人世居宛一門仕宦至卿相者  
三十四人東漢時無與比者

附奸佞大臣

歷代奸佞 夏帝啓元年有扈氏無道威侮五行怠棄三正啓征之大戰於甘滅之。夏帝相權歸后羿為羿所逐羿臣寒浞殺羿自立而弑帝相相后緡有仍國君之女方娠奔歸有仍生少康夏之舊臣靡舉兵浞而立少康焉。周成王幼周公攝政管叔蔡叔霍叔流言曰公將不利於孺子既而與武庚同反周公乃作大誥奉王命以討平之。吳太宰伯嚭受越賂而許越行成復讒殺伍員以亡吳國。晉大夫趙斯魏斯趙籍韓虔三分晉地田氏伐姜而有齊國皆周天子壞禮而寵命之也。秦李斯請史官非秦記皆

燒之偶語詩書者棄市以古非今者族所不燒者鑿  
藥卜筮種樹之書若欲有學法令以吏為師制曰可  
遂坑儒四百六十餘人始皇崩於沙丘趙高與斯詐  
為遺詔廢死太子扶蘇立胡亥為太子是為二世高  
恃恩專恣恐斯以為言族誅斯而自為丞相及章邯  
軍敗恐罪其身乃與其婿咸陽令閻樂謀弑二世於  
望夷宮立子嬰為秦王子嬰與其子二人刺殺高夷  
其三族○楚項王將丁公逐窘漢王彭城西短兵接  
漢王急顧謂丁公曰兩賢豈相厄哉丁公乃還漢王  
即帝位丁公謁軍見帝以徇軍中曰丁公為項王臣  
不忠使項王失天下遂斬之○漢田蚡為丞相驕侈

極慾金玉婦女狗馬聲樂玩好不可勝計入奏事所言皆聽薦人或起家至二千石權移人主上曰君除吏盡未吾亦欲除吏嘗請考工地為宅武帝曰君何不遂取武庫是後乃稍退趙人江充初為趙敬肅王客得罪亡詣闕告趙太子陰事太子坐廢上召充與語大悅拜為直指繡衣使者使督察貴戚近臣與太有隙因言上疾祟在巫蠱於是上以充治巫蠱獄充云於太子宫得<sup>木</sup>人尤多又有帛書所言不道持太子甚急太子發長樂宮衛卒收捕充等斬之太子亦自經後武帝感田千秋言族滅充家。漢昭帝初立左將軍上官桀亦受遺詔輔少主其子安有女即霍



光外孫安因光欲內之光以其幼不聽安遂因帝姊  
蓋長公主內入宮為婕妤月餘立為皇后於是怨光  
而德蓋主知燕王旦以帝兄不得立亦怨望乃令人  
詐為燕王上書欲共執退光書奏光不敢入上召光  
入免冠頓首上曰將軍冠朕知是書詐也將軍無罪  
將軍調校尉未十日燕王何以知之是時帝年十四  
左右皆驚而上書者果亡後謀令長公主置酒請光  
伏兵格殺之因廢帝會蓋主舍人知其謀以告捕侏  
安等族誅之蓋主亦自殺。漢元帝以史高領尚書  
事弘恭石顯典樞機蕭望之等建白以為宜罷中書  
宦官應古不近刑人之義由是大與高恭顯忤恭顯

因奏望之與周堪劉更生朋黨請召致廷尉上初不允強而可其奏望之飲鴆自殺上聞之驚拊手曰曩固疑其不就獄果然殺吾賢相。漢武成帝委政王鳳悉封諸舅王譚王商王立王根王逢時為列侯谷永陰欲自托於王鳳乃曰骨肉大臣有申伯之志無重合安陽博陸之亂以推頌之時上書言災異之應多譏切王氏專政所致上親問張禹禹曰災變之意深遠難見新學小生亂道誤人戴永嘉斷曰王氏代漢始於杜欽谷永成於張禹孔光終於劉歆此數子皆號稱儒者以賢良直諫為名以通經學古為賢假托經術緣飾古義以售奸邪以濟諛佞依憑寵祿以

以苟富貴相與誤國如此曾鄙夫小人不若也。漢平帝五年五月策命安漢公王莽以九錫十二月莽因臘日上椒酒置毒酒中帝有疾莽作策請命於秦時願以身代藏策命滕金滕置於前殿敕諸公莫敢言已而帝崩羣臣紀遂郇越郇相唐林唐遵楊雄谷永劉歆孔光等奏太后請安漢公攝皇帝位詔曰可尋即真天子位定號曰新僭位十八年漢兵殺之。漢帝章寵任竇憲憲以賤直請奪沁水公主田園尋以尋權刺殺都卿侯暢竇太后使擊匈奴贖罪以致兄弟專權和帝與中常侍鄭衆密求故事勒兵收捕迫憲自殺竇氏雖除而寺人之權從茲盛矣。漢安

帝崩閹太后臨朝欲久專國政與閹顯等定策立幼  
年濟北惠王子懿未幾薨中常侍孫程王康等十九  
人謀迎濟陰王即皇帝位是為順帝誅閹顯遷太后  
封孫程等皆為列侯世稱十九侯。漢順帝崩太子  
炳立纔二歲梁太后臨朝在位一年徵渤海王孝子  
續即位年八歲生而聰慧嘗因朝會目梁冀曰此跋  
扈將軍冀聞惡之毒置於煮餅而殺之在位一年冀  
迎蠡吾侯志即帝位是為桓帝梁冀一門前後七侯  
三皇氏六貴人二大將軍尚公主者三人其餘卿將  
尹校五十七人冀專擅威柄凶恣日積威行内外天  
子拱手不得有所親與桓帝不平乃與中常侍單超

徐璜等議誅殺之封單超等五人為縣侯世謂之五侯是時梁氏雖除五侯肆虐賢人君子嘗錮禍忠憤激烈卒成黨錮之禍矣。漢桓帝無子竇太后立解瀆亭侯養之子宏是為靈帝時中常侍曹節王甫等共相朋結詔事太后太后信之陳蕃竇武疾焉會有日食之變武乃白太后誅曹節等太后猶豫未忍曹節召尚書脅使作詔板拜王甫為黃門令持節捕收武等武不受詔執蕃送北寺獄殺之王甫將虎賁羽林等合千餘人圍武武自殺宦官愈橫流毒縉紳忠臣義士駢首就戮靈帝崩皇子辯即位何太后臨朝中軍校尉袁紹勸太后兄何進悉誅宦官進白太后

不聽紹等又為畫策召四方猛將使並引兵向關以脅太后進然之召董卓將兵詣京卓未至進為中常侍張讓等矯詔所殺袁紹聞進被殺乃勒兵捕諸宦者無少長殺盡之張讓勢迫遂將帝與陳留王協出穀門讓投河而死董卓至以王為賢廢帝而立陳留王協是為獻帝董卓擅政濁亂宮禁關東州郡皆起兵以討卓卓遂遷都以避乃燒焚宮廟官府劫遷天子入都長安司徒王允司隸校尉黃琬使呂布誅卓百姓歌舞於道○王允欲悉誅卓黨卓部將李傕郭汜等攻長安殺王允楊奉韓暹奉車駕至雒陽曹操劫遷於許挾天子以令諸侯杖殺伏后久蓄無君之

心畏於名義欲學周文王以欺後世子丕始篡位秦漢帝為山陽公漢室遂亡。蜀漢宦官黃皓便辟佞慧後主愛之初畏董允不敢為非允卒而陳祗代允為侍中祗與皓相表裏皓始預政魏司馬昭大興入寇姜維奏遣左右車騎張翼廖化督諸軍分護陽安關口及陰平之橋頭以防未然黃皓信巫鬼謂敵終不自致啟帝寢其事羣臣莫知鄧艾果冒陰平險僻而入漢兵不<sup>意</sup>帝魏兵卒至百姓擾擾譙周勸帝出降國遂亡。魏曹爽用何晏鄧颺丁謐之謀太后於永寧宮專擅朝政司馬懿稱疾不與政事陰與其子昭謀誅爽及晏颺等而自操國柄懿卒以其子師為大

將軍師廢主芳迎立高貴鄉公髦師卒封其弟昭為  
晉公加九錫魏主髦見威權日去不勝其忿曰司馬  
昭之心路人所知也吾不能坐受廢辱今日當自出  
討之遂拔劍升輦率殿中宿衛蒼頭官僮鼓譟而出  
為昭黨賈充成濟刺殞於車下追廢髦為庶人迎立  
常道鄉公璜為主昭卒子炎嗣晉王篡位奉魏帝主  
為陳留王自懿及炎其試逆不道比操之處獻帝尤  
甚人謂之天報○孫吳孫琳廢主亮為會稽王迎立  
瑯琊王休休殂侄皓立皓驕懷殘虐深於桀紂降於  
晉封歸命侯賈充謂皓曰聞君在南方擊人目剝人  
面皮此何等刑也皓曰人臣有弑其君及姦回不忠



者則加此刑耳充默然深愧。○晉世祖后父楊駿交通請謁勢傾內外世祖崩惠帝立賈后凶悍欲干預政事而為駿所抑遂構駿以謀反殺之廢太后尋賈后毒殺太子趙王倫孫秀等起兵殺后趙王篡位齊王冏等起兵討倫殺之乘輿反正齊王既得志驕奢奢擅權中外失望河間王顥成都王穎等起兵討齊王冏殺之以穎為太弟河間王將張方廢太弟穎更立豫章王熾為皇太弟是為懷帝後為劉聰所執而遇害。○東晉王敦與劉隗刁協構難欲除君側之惡上疏罪狀舉兵據石頭吾不復得為盛德事矣元帝命刁協劉隗戴淵帥衆攻石頭協隗俱敗帝令公卿

百官詣石頭見敦以敦為丞相都督中外諸軍事呂  
猗說敦收周顗戴淵殺之不朝天子竟還武昌明帝  
元年敦疾甚司徒導率子弟為發哀衆以為信死  
於是騰詔下敦府列敦罪惡敦見詔甚怒而病轉篤  
不能自將以兄含帥衆五萬奄至江寧明帝帥諸軍  
襲擊大破之敦尋卒敦黨悉平乃發敦瘞出屍跽而  
斬之○晉成帝二年庾亮以蘇峻在歷陽終為禍亂  
下詔徵之峻不應命知祖約怨望與其連兵討亮率  
衆至蔣陵攻青溪卞壺死之因風縱火燒臺省亮奔  
走淅陽峻兵入臺城府藏一空溫嶠陶侃郗鑒等起  
兵討峻峻聞四方兵起逼遷帝於石頭侃等攻峻殺

之祖約奔後趙。○晉帝奕五年，大司馬桓溫陰蓄不臣之志，嘗撫枕嘆曰：「男子不能流芳百世，亦當遺臭萬年。」及枋頭之敗，威名頓挫，郗超謂溫曰：「明公不為伊霍之舉者，無以立大威權。」溫然之，遂詣建康宣太后，令廢帝奕為東海王，立會稽王昱，是為簡文帝。溫卒，使弟冲領其衆。冲既代溫，居任盡忠王室。○晉烈宗時，南郡公桓玄負其才地，以雄豪自處，朝廷疑而不用。年二十三，詔拜太子洗馬。後出補義興太守，鬱鬱不得志，數曰：「父為九州伯，兒為五湖長。」遂棄官歸。後篡安帝位，登御坐而牀忽陷，羣臣失色。殷仲文曰：「將由聖德深厚，地不能載。」玄大悅。後為劉裕破斬之。

○劉宋徐羨之檀道濟等廢宋王義符尋弒之太子  
劬弒君義隆壽寂之弒君業蕭道成弒君蒼梧王昱  
弒順帝準。齊西昌侯鸞弒君昭業迎立昭文尋復  
廢為海陵王而自即位是為明帝太子寶卷立為蕭  
衍所弒。梁武帝為侯景所餓死簡文帝綱為侯景  
所弒世祖繹降魏被弒敬帝為陳霸先所弒。隋楊  
廣殺兄謀為皇太子後弒父堅而自立後巡狩揚州  
天下兵起內史侍郎虞世基以帝惡聞賊盜諸郡縣  
有告敗求救者世基輒抑損不以聞由是盜賊徧海  
內陷沒郡縣常皆弗之知也後為宇文化及所弒。  
隋晉陽宮監裴寂與晉陽令劉文静等謀夜醉李淵

以晉陽宮人侍淵劫淵起兵。○唐太宗嘗止樹下愛之字文士及從而譽之不已。太宗正色曰：「魏徵嘗勸我遠佞人，我不知佞人為誰，意疑是汝。今果不謬。」唐太宗太子承乾喜聲色，田獵所為奢靡。魏王泰多藝，能有寵於上，潛有奪嫡之志。太子知之，陰養刺客，紇於承基等謀殺魏王泰。會承基坐事繫獄，上變告太子謀反，敕中書門下叅鞠之。反形已具，廢為庶子。人侯君集等皆伏誅，乃立晉王治為皇太子。○唐高宗欲立太宗才人武后氏為后，褚遂良固執不可。上問於李勣，勣曰：「陛下家事，何必更問外人？」許敬宗宣言於朝曰：「田舍翁多收十斛麥，尚欲易婦。況天子立

一后何預外諸人事而忘生異議乎遂廢王皇后蕭淑妃為庶人命李勣賁璽綬冊皇后武氏。唐武太后因宗室大臣怨望欲誅戮威之乃盛開告密之門胡人索元禮因告密擢為游擊將軍令按制獄元禮性殘忍推一人必令引數十百人又周興來俊臣之徒劾之紛紛繼起共撰羅織經數千言教其徒網羅無辜中外畏此數人甚於虎狼後周興罪流嶺南在道為仇家所殺索元禮為太后殺之以慰人望。唐侍御史傅游藝上表請改國號曰周太后可之乃御則天樓赦天下以唐為周以豫王旦為皇嗣賜姓武氏游藝期年之中歷衣青綠朱紫時人謂之四時仕

宦○唐楊再思為相專以取媚司禮少卿張同休易之昌宗之兄也嘗召公卿宴樂酒酣戲再思曰楊內史面似高麗再思欣然起為高麗舞舉座大笑○唐中宗使韋后與武三思雙陸而自居傍為之點著三思遂與后通武氏之勢復振○唐中宗宴近臣國子祭酒祝欽明自請作八風舞搖頭轉目備諸醜態欽明素以儒學著名盧藏用語人曰祝公五經掃地矣○唐楊洄又譖太子瑛鄂王瑤光王琬潛構異謀立宗召宰相謀之李林甫對曰此陛下家事非臣等所宜預上意乃決廢瑛瑤琬為庶人賜死城東驛大理卿徐嶠奏今歲天下斷死刑五十八人大理獄院

由來相傳殺氣太盛烏雀不棲今有鵲巢其樹於是  
百官以幾致刑措上表稱賀上歸功宰輔賜李林甫  
爵晉國公牛仙客幽國公范華陽曰明皇一日殺三  
子而李林甫以刑措受賞讒諛得志天理滅矣安得  
久而不亂乎。唐安祿山為虜所敗張守珪奏請斬  
之上惜其才勅令免官張九齡固爭曰祿山失律喪  
師於法不可不誅且臣觀其貌有反相不殺必有後  
患上曰卿勿以王夷甫識石勒枉害忠良竟以為節  
度使出入禁中固因請為貴妃兒頗有醜聲聞于外  
上不之疑時委政李林甫林甫媚事左右排抑勝己  
口有蜜而腹有刀養成天下之亂祿山以林甫狡猾



踰己亦畏服之及楊國忠為相祿山視之蔑如也由是有隙然祿山雖蓄異以下待之厚欲俟上晏駕而後作亂會國忠欲其速反以取信已言於上數以事激之祿山遂反。肅唐肅宗張后初與李輔國相表裏專權用事晚年更有隙欲殺輔國廢太子內射生使程元振與輔國謀遷張后於別殿尋殺之丁卯上崩代宗即位惡李輔國專權橫以其有殺張后之功不欲顯誅之夜遣盜入其第竊輔國之首及一臂而去。唐代宗寵任程元振吐蕃入寇元振不以聞子儀請兵元振不召見致上倉卒幸陝州吐蕃入長安剽剽府庫市里焚廬舍京師中蕭然一空上發使徵

諸道兵李光弼等皆忌元振居中莫有至者中外切齒莫敢言太常博士柳伋疏具迷國誤朝上以元振有保護功但削其官爵放歸田里而已觀軍容宣慰處置使魚朝恩專典禁兵寵任無比勢傾朝野上令元載為方略擒而縊殺之元載自誅魚朝恩上寵用以為中書侍郎專橫無比尋賜自盡有司籍載家財胡椒至八百石他物稱是。唐德宗悅盧杞擢為門下侍郎杞欲起勢立威引裴延齡為集賢直學士親任之譖殺楊炎獨擅國柄濁亂朝政以致有姚合言朱泚之叛逆出幸奉天泚復攻圍奉天經月李懷光倍道入援敗泚於醴泉泚引兵遁歸長安懷安數

與人言盧杞趙瓚白志貞之奸佞且曰吾見上當請  
誅之杞聞而懼奏上詔懷光直引兵屯便橋與李晟  
刻期進取長安懷光自以數千里竭誠赴難咫尺  
不得見天子怏怏引兵去後上從容與李泌論即位  
以來宰相曰盧杞忠清彊介人言其奸邪朕殊不覺  
泌曰此乃杞之所以為奸邪也倘陛下覺之豈有建  
中之亂乎。唐憲宗疑李絳裴度俱朋黨而於李吉  
甫程昇皇甫鏘則不之疑蓋絳度數諫吉甫程昇  
鏘順從阿諛而不覺其欺也范氏曰漢之黨錮始於  
甘陵二部相讒而成於太學諸生相譽唐之朋黨始  
於牛僧儒李宗閔對策而成於錢徽之貶皆由主德

不明君子小人雜進於朝不分邪正忠諫以黜陟之而聽其自相傾軋以養成也。○唐穆宗時李逢吉用事所親厚者張文新李仲言李續之李虞劉栖楚姜治及張權輿程昔範又有從而附麗之者八人時人目為八關十六子有所求請先賂關子後達逢吉無不得所欲也。○唐文宗時李德裕李宗閔各有朋黨互相擠援上患之每歎曰去河北賊易去朝中朋黨難。○唐文宗九年初宋申錫獲罪宦官益橫上內不能堪與李訓鄭注謀誅之訓注因王守澄以進先除守澄則宦官不疑乃遣中使李好古就第賜酖殺之守澄出葬漣水鄭注請令內臣盡集漣水送葬因閹

門令親兵斧之使其無遺訓與其黨謀曰如此則事成則注專有其功不若先期誅宦者已而并注去之壬戌上御紫宸殿韓約奏左金吾廳事石榴樹夜有甘露先命宰相兩省視之訓還奏非真上顧仇士良帥諸宦者往視至左仗風吹幕起見執兵者甚衆詣上告變訓遽呼金吾衛士上殿宦者扶上升輿決後殿眾慝疾趨北出衛士縱擊宦官死傷者十餘人訓知事不濟脫走士良等命禁兵出殺金吾吏卒千六百餘人諸司吏民千餘人王涯賈餗舒元興皆收繫斬之明日訓注皆被殺族其家自是天下事皆決於北司宰相行文書而已。唐僖宗專事游戲以宦

官田令孜為中尉政事一委之呼為阿父。唐昭宗以散騎常侍鄭縈為禮部侍郎同平章事縈好談諧多為歇後詩譏嘲事時上以為有所蘊命以為相聞者大驚堂吏往告之縈笑曰諸君大誤使天下更無人未至鄭縈吏曰特出聖意縈曰果如是奈人笑何既而賀客至縈搔首言曰歇後鄭五作宰相時事可知矣累讓不獲乃視事未幾致仕去。唐昭宗二年王行瑜韓建將兵犯闕稱韋昭度李谿作相不合衆心殺昭度谿於都亭驛李克用舉兵討行瑜斬之。唐昭宗以崔胤為相胤與上謀誅宦官宦懼中尉劉季述王仲先等陰謀廢立乃引兵哭入宣化門季

述乃扶上適少陽院以銀搗地畫地數上罪數十鎖  
錮之矯詔立太子裕亂密遣人說神策指揮使孫德  
昭擒述昭等斬之迎上復位亂以宦官典兵終為肘  
腋之患乃稱被密詔命朱全忠以兵入討全忠遂發  
大梁中尉韓全誨聞之劫帝幸鳳翔朱全忠進攻鳳  
翔李茂貞出戰屢敗儲峙已竭上驚御衣及小王  
皇子衣於市以充食茂貞請誅韓全誨等與全忠和  
并殺宦官七十餘奉車駕還長安復以崔胤同平章  
事胤復奏剪宦官之根朱全忠以兵驅第伍可範以  
下數百人於內侍省盡殺之出使者詔所在收捕誅  
之止黃衣幼弱三十人留備洒掃尋全忠密表崔胤

專權誅之遷上至洛陽使蔣玄暉殺弒昭宗而立昭  
宣帝以篡之○周太師馮道卒道少以孝謹知名唐  
莊宗世始知名貴顯自是累朝不離將相三公三師  
之位為人清儉寬容人莫測其喜愠滑稽多智浮沉  
取容嘗著長樂老叔自述累朝榮遇之狀人皆以德  
量推之○周恭帝元年正月陳橋兵變擁趙匡胤還  
汴自仁和門入時早朝未罷聞變親軍指揮韓通謀  
率衆禦之軍校王彥昇逐馬通馳入其第未及闔門  
為彥昇所害妻子俱死將士擁范質王溥等至匡胤  
流涕而言六軍相迫之由質等未及對列校羅彥環  
挺劍厲聲曰我輩無主今日必得天子質等相顧不



知所為溥降階先拜質不得已亦拜遂奉匡胤入宮  
召百官至晡時班定猶未有禪詔翰林承旨陶穀出  
諸袖中遂用之以登極。宋太宗七年貶秦王廷美  
為西京留守初昭宣太后遺命太祖傳位於太宗太  
宗傳之廷美以及德昭及德昭不得其死德芳相繼  
夭沒廷美始不自安柴禹錫因上變以搖之帝意不  
決召趙普諭以太后遺旨普對曰太祖已誤陛下豈  
容再誤廷美遂得罪 開寶皇后宋氏崩羣臣不成  
服翰林學士王禹偁對客言后嘗母儀天下當遵用  
舊禮坐謗訕責知滁州。宋真宗之相呂氏曰景德  
以前多君子祥符以後如王欽若之閉門修齋丁謂

之潛修結內侍雷允恭與錢惟演擅權於外而馮拯  
曹利用相與為黨陳堯叟之附和天書皆小人也○  
宋仁宗謂輔臣曰王欽若久在政府觀其所為真奸  
邪也王曾對曰欽若與丁謂林特陳彭年劉永珪同  
惡時稱五鬼奸邪儉偽誠如聖諭○宋仁宗朝國子  
監直講石介以韓琦范仲淹等同時登用而歐陽修  
蔡襄等並為諫官夏竦既罷乃作慶曆聖德詩有曰  
衆賢之進如茅斯拔大奸之去如距斯脫大奸指竦  
也初介曾奏記於富弼責以行伊周之事夏竦怨介  
斥已欲因是傾弼等乃使女奴陰習介書習成遂改  
伊周曰伊霍又偽作介為弼撰廢立詔草飛語上聞

弼與仲淹懼適聞契丹伐夏遂請行邊介亦不自安  
乃請外得濮州通判○宋杜衍好薦引賢士羣小咸  
怨御史中丞王拱辰之黨尤嫉之衍壻蘇舜欽時監  
進奏院循前例祀神以伎樂娛賓拱辰聞之欲因是  
傾衍乃諷御史魚周詢舉劾其事被斥者十餘人皆  
知名之士拱辰喜曰吾一網打盡矣○宋神宗立制  
置三司條例司議行新法詔陳升之王安石領其事  
以蘇轍呂惠卿校檢詳文字章惇為條例官曾布檢  
正中書五房公事呂誨疏安石十事蘇轍諫青苗法  
安石欲止會京東轉運使王廣淵乞留本道錢帛貸  
民獲息事與青苗法合於是決意行焉及秀州判官

李定被召至京即謁安石安石立薦於上帝問青苗  
法何如定曰民甚便之於是諸言新法不便者帝皆  
不聽○宋神宗罷曾公亮時人有生老病死苦之喻  
謂安石為生亮為老唐介死富弼議論不合稱病趙  
抃無如安石何惟稱苦苦而已劉深源曰王安石之  
進始於曾公亮呂惠卿之進亦始於公亮蓋曾公亮  
始欲結黨以排韓琦而不知小人易進而難退變法  
之禍公亮可逃其罪耶○宋鄧綰通判寧州知王安  
石得君專政乃條上時事且言陛下得伊周之佐作  
青苗免役等法民莫不歌舞聖澤成不世之良法復  
貼書安石極頌其美由是安石力薦於帝而遂集賢

校理尋為侍御史判司農事鄉人在都者皆笑且罵  
綰曰笑罵從他笑罵好官還我為之○宋王安石子  
雱為人慄悍陰刻無顧忌性甚敏未冠舉進士與父  
謀曰執政子雖不預事而經筵可處安石欲帝知自  
用乃以雱所作策論天下事三十餘篇達於帝鄧綰  
曾布又力薦之遂召拜為崇政殿說書一日安石與  
程顥語雱囚首跣足攜婦人冠以出問父所言何事  
曰以新法為人所阻故與程君議之雱大言曰梟韓  
琦富弼之首於市則法行矣安石遽曰兒誤矣○宋  
知諫院唐垕奏二十疏論時事皆留中不出垕於百  
官起居日扣陛請對曰臣所言皆大臣不法請一一

陳之遂大聲宣讀凡六七十條治要以安石專作威福曾布等表裏擅權天下但知憚安石假威權不復知有陛下文彥博馮京知而不敢言王珪王韶曲事安石無異厮僕元絳薛向陳繹安石頤指氣使無異家奴張璪李定為定安石牙爪張商英乃安石鷹犬至詆安石為李林甫盧杞神宗屢止之垌慷慨自若讀已下殿再拜而退安石諷閣門糾其續亂朝儀貶潮州別駕○宋王安石罷相知江寧因薦韓絳呂惠卿以自代時號絳為傳法沙門惠卿為護法善神惠卿既得志忌安石復用遂逆閉其途出安石私書有勿令上知之語凡可以害安石者無所不用其智韓

絳頴處中書事多稽留不決數與惠卿爭論度不能制密請帝復用安石帝從之安石承命即倍道而進七日至汴京惠卿尋罷。宋以蔡確忝知政事宰相吳充數為帝言新法不便欲稍去甚者確阻之法遂不變確善觀人主意與時上下以王安石諫居大位而士大夫交口笑罵確自以為得計。宋哲宗親政楊畏上疏乞紹述先政初呂大防稱畏敢言且先密約畏助己竟超遷畏為禮部侍郎畏首叛大防上言神宗更法以垂萬世乞早講求以成紹述之道帝即詢以故臣孰可召用畏即疏章惇呂惠卿鄧溫伯李清臣等帝深納而盡用之惇遂引其黨蔡卞林希黃

履來之邵張商英周秩翟思上官均等居要地協謀  
朋姦報復仇怨羅織貶謫元祐宰執及劉奉世以下  
三十人有差請發司馬光呂公著塚斲棺暴尸帝問  
許將將對非盛德事帝乃止又恐元祐舊臣復起結  
內侍郝隨為助媒孽宣仁欲危帝之事自作詔書請  
廢宣仁為庶人皇太后號泣為帝言曰吾日侍崇慶  
天日在上此語曷從出且帝必如此亦何有於我帝  
感悟取惇卞奏就燭焚之明日再具狀堅請帝曰卿  
等不欲朕入英宗廟乎抵其奏於地。宋徽宗復召  
蔡京為翰林學士先是供奉官童貫順承得幸詣三  
吳訪書畫京諂附之由是帝屬意用京會韓彥與曾



布交惡布謀引京自助故有是命尋帝欲相京鄧洵  
武獻愛莫助圖言必欲繼志述事非蔡京不可帝以  
圖示溫益益欣然請相京而籍異論者於是善人皆  
不見容復追貶元祐黨籍司馬光等四十四人官以  
京為尚書右僕射京籍元祐及元符末執宰司馬光  
等侍從蘇軾等文臣程顥等武臣王獻可等宦者張  
士良等百二十人為奸黨請帝書之刻石於端禮門  
又頒蔡京所書黨人碑刻石於州縣。宋徽宗垂意  
花石以朱勔領應奉局花石綱凡士庶之家一石一  
木稍堪翫者即領健卒直入其家用黃帊覆之加封  
識焉指為御前之物及發行必撤屋抉牆以出人不

幸有一物小異共指為不祥惟恐芟夷之不早又薦  
工挖師倚勢貪橫凌轢州縣道路以目。宋中書侍  
郎林摠於集英殿臚唱貢士姓名不識甄盎字帝笑  
曰卿誤耶摠不謝而詆同列御史論黜之。宋以王  
黼為少宰加蔡京子攸開府儀同三司二人有寵進  
見無時得預宮中秘戲攸嘗勸帝以四海為家遂數  
微行因令苑囿皆倣游浙江為白屋及村屋居野店  
多聚珍禽異獸都下每秋風靜夜禽獸之聲四徹宛  
若山林陂澤之間識者知其不祥之兆蔡攸權勢既  
與父相軋由是京攸各立門戶遂為仇敵。宋徽宗  
用童貫為檢校司空貫與黃徑臣盧航表裏為奸進

方士林靈素大興太道教紛創殿宇每設大齋費緡  
錢數萬謂之千道會道籙院上章冊帝為教主道君  
皇帝貫又薦李良嗣於朝約女真攻遼遂至二帝北  
狩。金人奉冊寶至立張邦昌為楚帝北向拜舞受  
冊即位閣門舍人吳革率內親事官數百人皆先殺  
其妻子焚所居舉義金水門外范瓊詐與合謀令悉  
棄兵仗乃從後襲之殺百餘人捕革併其子皆殺之  
是日風霾日昏無光百官慘沮邦昌亦變色唯吳玠  
莫儔范瓊等欣然以為有佐命功。宋高宗帝聞金  
粘沒喝入天長軍即被甲乘騎馳至瓜州得小舟渡  
江淮護聖軍卒數人及王淵張浚等從行汪伯彥黃

潛善方率同列聽浮屠克勤說法或有問邊耗者猶以不足畏告之堂吏大呼曰駕已行矣二人相顧倉惶策馬南馳居民爭門而出死者相枕藉無不怨憤司農卿黃鶚至江上軍士以為左相潛善罵之曰誤國誤民皆汝之罪鶚方辨其非是而首已斷矣○扈從統制苗傅劉正彥作亂奉皇子魏國公勇即位請隆祐太后臨朝尊高宗為睿聖仁孝皇帝居顯寧大赦改元張浚乃草檄聲傅正彥之罪與韓世忠張俊劉光世呂頤浩合兵進討傅等憂恐不知所為乃聽朱勝非言率百官請復帝位勤王師至北關苗劉南走擒誅之○宋高宗以王德為淮西都統制統劉光

世軍酈瓊副之瓊德不相下列狀交訟於都督府及御史臺乃召德還建康叅謀呂祉密奏乞罷瓊兵柄書吏漏語於瓊瓊怒以衆叛降劉豫祉死之。宋秦檜同宰執入見獨留不出言于帝曰臣僚畏首尾多持兩端不足與論大斷大事若陛下決欲講和乞專與臣議帝許之三日檜復留身奏事復進前說知帝意不移遂排趙鼎劉大中而一意議和然猶以羣臣為患中書舍人勾龍如淵為檜謀曰相公為天下大計盍不擇人為臺諫使擊盡去則事定矣檜大喜即擢如淵劾異議者兀術遺檜書曰汝朝夕以和請而岳飛方為河北圖必殺飛使可和檜亦以飛不死終

梗和議已必及禍故力謀殺之遂諷張俊羅汝楫万  
俟高等矯詔殺飛於大理寺獄檜居相位凡十九年  
刼制君父倡和誤國一時忠臣良將誅鋤畧盡臨終  
猶興大獄誣趙汾張浚胡寅胡銓等五十三人謀逆  
獄成而檜病亟不能書獲釋檜無子取妻兄王煥孽  
子熺養之南省擢熺為進士第二一檜以為嫌以陳  
誠之為首以其策專主和議云後孫塤修撰實錄院  
祖父孫三世同領史職前此未之有也。宋孝宗立  
以辛次膺同知樞密院事初次膺力諫和議為秦檜  
所怒流落二十年及帝召為中丞若成閔之貪饕湯  
畏思退之朋比葉義問之奸罔皆為其一時論罷思

退終身比於和議恐不成諷石正言尹穡論浚跋扈  
張浚請解督府去朝廷遂決棄地求和之議太學生  
張觀等七十二人上書論思退姦邪誤國乞斬之以  
謝天下詔貶永州憂懼而死。宋寧宗即位韓侂冑  
恃定策功欲竊國柄謀於京鏗引李沐為左右正言  
奏趙汝愚以同姓居相位將不利於社稷乃出汝愚  
知福州朝廷大權悉歸侂冑御史胡紘乞禁偽學之  
黨侂冑復命沈繼祖誣論朱熹十罪落職罷祠諱其  
徒蔡元定於道州趙師異張釜程松諂事侂冑聞者  
莫不鄙之侂冑專政十四年宰執侍從臺諫藩閫皆  
其門廡之人天子孤立於上威行宮省權震宇內其

嬖妻張譚王陳皆封郡國夫人號四夫人每內宴則  
與妃嬪雜坐恃勢驕倨掖庭皆畏之侂胄力主恢復  
以金人欲罪首謀銳意出師中外憂懼侍郎史彌遠  
入對力陳危迫之勢請誅侂胄以安邦皇后楊氏素  
怨侂胄亦使榮王具疏帝乃命后兄楊次山與彌遠  
共圖之翼日侂胄入朝令殿前司夏震以兵三百擁  
侂胄至玉津園側殛殺之梟其首并蘇師旦之首畀  
金人金乃罷兵。宋史彌遠為相權勢熏灼皇子竑  
心不能平嘗書於几上曰彌遠當決配八千里彌遠  
聞之大懼寧宗有疾無子彌遠矯詔立沂王嗣子貴  
誠為皇太子更名的帝崩白后立的稱遺詔封竑濟



陽郡王出居湖州尋殺之彈彌遠用梁成大莫澤李  
知孝為鷹犬凡忤彌遠意者三人必相繼擊之由是  
名人賢士排斥殆盡人目為三凶帝德彌遠立已恩  
寵終其身焉○宋理宗用史嵩之開督府竭國用而  
無成功論者甚衆及以父喪去位詔起復之太學生  
黃愷伯等百四十人上書諫不報武學生劉耐知帝  
嚮意用嵩之遂叛諸生而逢迎之時范鍾領相事諷  
京尹趙與籌逐游士諸生聞之作捲堂文以辭先聖  
嵩之自知不為公論所容上疏乞終喪制○宋度宗  
即位以己為太子賈似道有功加似道太師封魏國  
公每朝帝必答拜稱之曰臣師而不名朝臣皆稱為

周公詔以十月一朝時襄樊圍急似道日坐葛嶺起樓臺亭榭作半閑堂延羽流塑像肖己於中取宮人葉氏及娼尼有美色者為妾窮奢極慾日肆淫樂嘗與羣妾踞地鬪蟋蟀所狎客戲之曰此軍國重事耶又酷吏寶玩建多寶閣一日一登玩有言邊事者輒加貶斥喪師失地殆無虛日秘不上聞及鄂州既破詔似道都督諸路軍馬大潰貶似道於循州安置監押官會稽尉鄭虎臣至建寧開元寺侍妾尚數十人虎臣悉屏去之奪其寶玉撤輜蓋暴行秋日中令昇輜夫唱杭州歌謠之窘辱備至至漳州木棉綿菴虎臣諷令自殺似道不從虎臣曰吾為天下殺似道雖

死何憾遂拘似道之子於別室即廁上拉似道胸殺  
之殯於菴側○元順帝性柔少斷伯顏哈麻相繼弄  
權朝政日紊遂至於亡○明洪武朝胡惟庸藍玉永  
樂朝紀綱正統朝王振天順朝石亨石彪曹吉祥門  
達成化朝汪直王越陳鉞戴縉成化朝李孜省弘治  
朝李廣楊鵬正德朝劉瑾陸完江彬許泰劉暉錢寧  
張忠朱泰嘉靖朝陶仲文嚴嵩嚴世蕃丁汝夔趙文  
華鄔懋卿羅龍文仇鸞陸炳萬曆朝龐保劉戍天啓  
朝魏忠賢客氏雋呈秀田爾耕崇禎朝周延儒袁崇  
煥杜勳馬士英